



Na osnovu člana 3. stav (1) Zakona o službi u OS BiH ("Službeni glasnik BiH" broj:88/05, 53/07, 59/09 74/10, 42/12 i 41/16), a u skladu sa odredbama 2., 20., 21., 22., 23., 24., 25., 26., i 27. Pravilnika o školovanju i usavršavanju u MO i OS BiH broj: 13-02-3-1632/10 od 01.04.2010. godine, a u cilju odabira kandidata/kinja za školovanje na Vojnim akademijama u inostranstvu, Ministarstvo odbrane Bosne i Hercegovine raspisuje:

JAVNI KONKURS
za školovanje kadeta na Kraljevskoj zrakoplovnoj vojnoj akademiji Cranwell u
Velikoj Britaniji, za školsku 2017. godinu

I – PREDMET KONKURSA

Ministarstvo odbrane Bosne i Hercegovine raspisuje javni konkurs za školovanje dva (2) kadeta na Kraljevskoj zrakoplovnoj vojnoj akademiji Cranwell, Velika Britanija, za školsku 2017. godinu.

II – USLOVI KONKURSA

- 1. Opći uslovi** su propisani članom 9. Zakona o službi u Oružanim snagama BiH ("Službeni glasnik BiH broj: 88/05, 53/07, 59/09, 74/10 i 42/12") :
 - a) da je državljanin Bosne i Hercegovine,
 - b) da je zdravstveno sposoban za službu u Oružanim snagama,
 - c) da nije osuđivan na bezuslovnu kaznu zatvora u trajanju dužem od šest mjeseci,
 - d) da nije prethodno otpušten iz državne službe ili pravnog lica zbog povrede službene dužnosti u posljednje tri godine,
 - e) da se protiv njega ne vodi krivični postupak za krivično djelo za koje se goni po službenoj dužnosti,
 - f) da mu pravosnažnom presudom nije zabranjeno obavljanje određenih djelatnosti, odnosno dužnosti za vrijeme trajanja takve zabrane,
 - g) da ima odgovarajuću stručnu spremu potrebnu za obavljanje određene dužnosti. (Uslov koji će biti ispunjen po završetku vojne akademije).

- 2. Posebni uslovi:**
 - a) završen fakultet tehničkog smjera - saobraćajni, elektrotehnički ili mašinski fakultet, (kandidati/kinje sa boljim uspjehom na fakultetu će imati prednost ukoliko više kandidata/kinja bude imalo jednak ukupan broj bodova),
 - b) da nije stariji/a od 25 godina na dan 01.07.2017. godine.
 - c) znanje engleskog jezika (na provjeri poznavanja engleskog jezika testa ALCPT minimalno 85 bodova),
 - d) poznavanje rada na računaru (Word, Excel, Power Point, Internet).

e) Fizička spremnost:

- kandidati/kinje moraju imati dobru fizičku spremnost, koja će se provjeriti kroz sljedeće discipline:

1. Trčanje na 2400 m:

- norma za muškarce je 11 minuta i 11 sekundi,
- norma za žene je 13 minuta i 23 sekunde,

2. Trbušnjaci u trajanja od 2 minuta:

- muškarci minimum 35 ponavljanja,
- žene minimum 32 ponavljanja,

3. Slekovi u trajanja od 2 minuta:

- muškarci minimum 20 ponavljanja,
- žene minimum 10 ponavljanja.

Napomena: Kandidati/kinje prijavljeni na Javni konkurs proći će test fizičke spremnosti, test općeg znanja, test engleskog jezika i intervju. Dodatni test poznavanja engleskog jezika će izvršiti i Ured vojnog atašea Velike Britanije u BiH. Sigurnosnu provjeru za svakog uspješnog kandidata/kinje izvršiće nadležni sektor Ministarstva odbrane BiH, a zdravstveni pregled kandidata/kinja koji uspješno prođu testiranje će obaviti nadležna ustanova u organizaciji MO BiH.

Rangiranje kandidata/kinja vršit će se na osnovu kriterija koje će odobriti Ministrica odbrane Bosne i Hercegovine i sa kojima će biti upoznati kandidati/kinje koji budu pozvani na testiranje i provjeru

III – ŠKOLOVANJE, PRAVA I OBAVEZE

1. Školovanje na Kraljevskoj zrakoplovnoj vojnoj akademiji Cranwell traje od 22.05. do 14.12.2017. godine

2. Odabrani kandidati/kinje imat će status kadeta, čija će prava i obaveze biti regulisane u skladu sa članovima: 73., 142. i 143. Zakona o službi u Oružanim snagama Bosne i Hercegovine („Službeni glasnik BiH“, broj:88/05, 53/07, 59/09, 74/10 i 42/12) i članom 29 Zakona o platama i naknadama u institucijama Bosne i Hercegovine („Službeni glasnik BiH“, broj:50/08, 35/09, 75/09, 32/12 i 42/12).

3. Po završetku školovanja, kadeti će biti primljeni u profesionalnu službu u početnom činu oficira Oružanih snaga Bosne i Hercegovine - potporučnik, odgovarajućeg roda - službe.

4. Međusobne obaveze kandidata/kinja izabranog/ne za školovanje na Kraljevskoj zrakoplovnoj vojnoj akademiji Cranwell, Velika Britanija i Ministarstva odbrane Bosne i Hercegovine regulišu se Ugovorom o školovanju.

5. Za vrijeme školovanja kadetima su osigurani smještaj i ishrana u internatu Vojne akademije.

IV POTREBNI DOKUMENTI

- a) Prijava i lični (biografski) podaci, (isključivo po obrascima ponuđenim na www.mod.gov.ba),
- b) Ovjerena kopija diplome završenog fakulteta,
- c) Original ili ovjerena kopija Uvjerenje o državljanstvu na novom obrascu ili ne starije od 6 (šest) mjeseci,
- d) Original ili ovjerena kopija Izvoda iz matične knjige rođenih na novom obrascu ili ne stariji od 6 (šest) mjeseci,
- e) Uvjerenje o nevođenju krivičnog postupka ne starije od 3 (tri) mjeseca,
- f) Potvrdu ili uvjerenje institucije/pravnog lica da u posljednje 3 (tri) godine nije otpušten/a zbog povrede službene dužnosti (za kandidate/kinje koji su bili ili su još uvijek zaposleni) ili Izjava kandidata/kinje ovjerena kod nadležnog općinskog organa,
- g) Prijava boravišta CIPS-a ne starija od 6 (šest) mjeseci.
- h) Dokaz o poznavanju rada na računaru (za kandidate/kinje koji/e tokom školovanja nisu imali/e predmet informatika).

Napomena: Konkursna dokumentacija neće se vraćati kandidatima/kinjama.

V ODABIR KANDIDATA

Odabir kandidata izvršit će Komisija koju će formirati Ministrica odbrane Bosne i Hercegovine .

VI PRIJAVA NA JAVNI KONKURS

Sva tražena dokumenta treba dostaviti preporučeno putem poštanske službe na adresu:

Ministarstvo odbrane Bosne i Hercegovine

ul. Hamdije Kreševljakovića 98

71 000 Sarajevo

sa naznakom „Javni konkurs za školovanje kadeta u Velikoj Britaniji“

Konkurs ostaje otvoren 15 (petnaest) dana od dana objavljivanja. Ispunjavanje uslova utvrđenih ovim Javnim konkursom računa se danom predaje prijave.

Nepotpune, neblagovremene i neuredne prijave, prijave kandidata koji ne ispunjavaju uslove ovoga konkursa, kao i kopije tražene dokumentacije koje nisu ovjerene, neće se uzeti u razmatranje.

Broj: 10-33-2-4472-3/16
Sarajevo, 21.11.2016. godine

MINISTRICA
Marina Pendeš



PRIJAVA
na javni konkurs za školovanje kadeta

(Prezime, ime oca, ime, JMBG)

U skladu s raspisanim Javnim konkursom za školovanje Kraljevskoj zrakoplovnoj vojnoj akademiji Cranwell, Velika Britanija, za školsku 2017. godinu objavljenim dana _____, prijavljujem se za školovanje na _____.

Uz prijavu prilažem:

Navesti sva dokumenta koja se prilažu.

U _____, _____.____. 2016. godine

PODNOŠITELJ PRIJAVE

(Prezime i ime, broj LK)

LIČNI (BIOGRAFSKI) PODACI

R/B	TRAŽENI LIČNI PODATAK	LIČNI PODATAK ZA UPIS
1.	Prezime, ime oca i ime	
2.	JMBG	
3.	Rođenje	Datum
		Mjesto
		Općina
		Država
4.	Prebivalište	Datum
		Mjesto
		Općina
		Adresa prebivališta
5.	Entitet/kanton (za Federaciju BiH)	
6.	Broj kontakt telefona (fiksni/mobilni)	
7.	Nacionalnost	
8.	Državljanstvo	
9.	Krvna grupa (sa Rh faktorom)	
10.	Škola	Stepen stručne spreme i stečeno zvanje
		Naziv škole
		Školovanje je trajalo od - do
		Nabrojati ostale završene škole
		Opšti uspjeh na školovanju
11.	Lična karta, broj, datum i mjesto izdavanja	
12.	Pasoš, broj, datum i mjesto izdavanja	
13.	Stambeni status (u mjestu prebivališta)	
14.	Nezaposlen – zaposlen (naziv firme)	
	Ostvareni staž (ukoliko je bio zaposlen)	
15.	Prethodno vojno iskustvo (jedinica od – do)	Godina _____ Mjeseci _____ Dana _____
16.	Staž	Ukupan radni staž
		Ukupan penzijski staž
		Općina
17.	Znanje stranih jezika (aktivno-pasivno), vrsta kursa - škole i mjesto pohađanja	
18.	Krivično gonjenje (razlog i stanje)	
19.	Zdravstveno stanje – radna sposobnost	
20.	Zdravstvena ograničenja	
21.	Položen vozački ispit i kategorija	
22.	Ostala znanja važna za oružane snage	
23.	Bračno stanje i broj djece	
24.	PRIMJEDBA: (Ovdje upisati sve ono što smatrate da je važno za navesti. Ukoliko nešto nije obuhvaćeno, a za vas je važno, možete koristiti i dodatni obrazac biografije)	

Tačnost podataka pod punom materijalnom i moralnom odgovornošću tvrdi i ovjerava:

Prezime i ime, potpis

